

ALAT 19 – KAKO ORGANIZOVATI ODBOR ZA PLANIRANJE SUSJEDSTVA?

1. Šta je planiranje susjedstva ili naselja?

Planiranje naselja je proces koji omogućava lokalnim zajednicama da usmjeravaju razvoj svojih područja, a prvi put je uvedeno u Velikoj Britaniji Zakonom o lokalizmu iz 2011. godine. Prema ovom zakonu, zajednice mogu kreirati tzv. planove naselja koji služe kao smjernice za daljnje planiranje. Planovi naselja postaju sastavni dio plana višeg reda, a politike koje sadrže koriste se za izradu koncepta za urbanističko planiranje. Ovi planovi omogućavaju zajednicama da odobre ili usmjere planiranje u skladu sa željama i potrebama same lokalne zajednice, ali istovremeno ne mogu blokirati razvojne pravce koje predviđa plan višeg reda.

2. Koje su prednosti za zajednicu od razvijanja plana naselja ili susjedstva?

Planiranje naselja omogućava lokalnoj zajednici da ima značajniju ulogu u oblikovanju područja u kojem živi i radi, naročito u pripremnoj fazi. Planiranje naselja pruža zajednicama priliku da postave jasnu i pozitivnu viziju razvoja svog područja u narednim decenijama (10, 15, 20 godina). Ova vizija može biti usmjerena ka zadovoljenju specifičnih lokalnih potreba i interesima stanovništva.

3. Kako organizovati odbor za planiranje naselja/susjedstva?

Ovaj alat okuplja ljude u formalne, ali privremene grupe kako bi se bavili složenim i izazovnim pitanjima od javnog interesa. Učešnici istražuju problem, diskutuju o različitim perspektivama i donose zajedničke odluke. Često se suočavaju s visokim stepenom neizvjesnosti u vezi sa rešenjima, a vrlo je vjerovatno da će se stavovi polarizovati (npr. u pitanjima poput rasta stanovništva, uticaja na razvoj ili održivosti). Cilj ove metode je pronaći zajedničke osnove za delovanje, posebno u slučajevima kada nije moguće donijeti jednostavno rješenje. Ovaj proces podrazumijeva prisustvo facilitatora, obično neutralne osobe, koji usmjerava diskusiju. Alat se često koristi za prikupljanje mišljenja javnosti o određenim pitanjima, koja se potom prezentuju donosiocima odluka kroz izvještaj.

- Identifikujte i okupite učesnike koji tačno odražavaju lokalnu populaciju.
- Organizujte inicijalnu sesiju koja jasno definiše temu, istovremeno gradeći povjerenje među učesnicima, kao i između učesnika i facilitatora.
- Vodite facilitirane diskusije o temi, postavljajući učesnicima konkretna, unaprijed pripremljena pitanja.
 - a. Za veće grupe, podijelite učesnike u reprezentativne ili namjerno homogenizovane podgrupe.
 - b. Fokusirajte se na donošenje odluka i konkretnih zaključaka.
 - c. Zabilježite ključne konstatacije i zaključke tokom diskusije.
- Sintetizirajte rezultate i pripremite izvještaj sa zaključcima.

4. Zašto koristiti odbore za planiranje naselja/susjedstva?

- Povećava se legitimnost odluka.
- Može dovesti do rezultata koji su relevantniji za lokalno stanovništvo.

Infrastruktura:

- Stolovi i stolice
- Pozadinski materijali
- Flip čartovi i olovke ili drugi materijali za snimanje diskusija.
- Audio ili video zapis.

Dostupnost:

Ova aktivnost nije prikladna za online angažman jer se zasniva na grupnoj diskusiji i potrebna je fizička prisutnost učesnika.